



16. august 2019

UKA 2019/51

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matu-muuna saqqummiuppara:

Apersortittoqartillugu, akunnaallisoortoqartillugu, katittoqartillugu ataasiartumik immikkut matoqqasumik aaqqissuussinissamut imigassanik kimittuunik kimikittunillu neriniartarfinni, imerniartarfinni, akunnittarfinni il.il. ulluni sapaammiik sisamanngornermut ullaassakkut nalunaaqutaq 04.00 sassaalliinissamut qinnuteqartoqarsinnaanngornissaa anguniarlugu imigassamut inatsismmut allannguutissamik saqqummiusseqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. (Tassani ilaassapput ukiuni 25-ni, ukiuni 50-ni katiffissiornerit il.il.) peqatigiiffiit nalliuttorsiorneri, siulersuisut ataatsimiinneri, Inatsisartunut qinersineq, kommunalbestyrelsinut qinersineq il.il.

(Inatsisartunut ilaasortaq Malene Vahl Rasmussen, Demokraatit)

Ulluni ullunik nalignnaasumik suliffiusunik malitseqartuni imigassamik taamaallaat sassaalliisoqarsinnaavoq unnuap qeqqata tungaanut. Amerlanerpaat tamanna ajorinngilaat aamma Demokraatini ataatsimut isigalugu tamanna akerlerinngilarput.

Imigassamulli inatsimmi immikkut akuersissuteqarsinnaaneq ilannguttariaqarpoq akunnittarfiit, neriniartarfiit allallu periarfissaqartilerlugit immikkut akuerineqaqqulluni qinnuteqarnissamut pisuni aalajangersimasuni immikkuullarissuni soorlu qeqartoqartillugu, akunnaallisoortoqartillugu, ukiuni 25-ni 50-siniluunniit katiffissiorartoqartillugu il.il.

Ullumikkutut inatsit taamaakkallartillugu innuttaasutut katerisimaartitsiniaraanni isumannaatsumik torersumillu nerisitsilluni inuussutissalerinermit oqartussaasunit akuerisanit nerisassiorfinnit sanaanik aamma saqisoqarluni imigassanik nerisassanillu sassaalliisinaanermut ilinniagalinnik, taava taamaallaat akerisimaartitsisoqarsinnaavoq unnuap qeqqata tungaanut, katerisimaartitsineq pisimappat tallimanngornerup arfininngornerullu avataani.

Tallimanngornerunngitsukkut arfininngornerunngitsukkullu katerisimaartitsiniaraanni katerisimaartitsisoqarsinnaavoq katersortarfinni festsaliniluunniit - taamaattoqassatillugumi immikkut akuerineqarnissamut qinnuteqartoqarsinnaavoq. Katersortarfinni festsalimiluunniit katerisimaartitsiniaraanni inuup nammineq nerisassat isumagissavai, igallugit imaluunniit akunnittarfimmuut neriniartarfimmulluunniit sanatillugit, tassa katerisimaarfissatut kissaatiginerusaralumut. Inuup nammineq imigassat pisarissavai namminerlu imigassanik nerisassanillu sassaalliilluni.

Demokraatini isumaqarpugut innuttaasut peqatigiiffiilluunniit pisuni aalajangersimalluinnartuni immikkut nalliuttorsiorsinnaasariaqaraluartut neriniartarfinni imaluunniit allani assigusuni tallimanngornerup arfininngornerullu avataani taamaattumik manna siunnersuut saqqummiupparput.



Neriuppunga Naalackersuisut Inatsisartunilu partiit allat tapersersuijumaartut.

Pisortanut aningaasaqarnikkut allaffissornikkullu kingunerisassai

Inatsisip allannguutissaata suliarinera aningaasartuutitaqassaaq aamma tusarniaanerp ingelannera. Naatsorsuutigineqanngilarli aningaasartuutit taakku ilinniagartuup ukiup affaani sulineranit akisunerujumaartut.

Inuussutissarsiornermut aningaasaqarnikkut allaffissornikkullu kingunerisassai

Neriniartarfiit aamma akunnittarfiit siunnersuummi taaneqartut aaqqissuussinerit ingerlanneqartalerpata isertitaqarnerunissaminnut periarfissaqalissapput.

Innuttaasunut aningaasaqarnikkut allaffissornikkullu kingunerisassai

Soqanngilaq.